

adlecto, novi honoris insignia deferendi hodie in eo Sum ut perficiam.

Quoniam sensu, quantaque cordis exultatione illud exceperim ex duplici præcipue ratione perfacile colligere Ipse potes. Et re quidem vera uti Tu, Eminen- tissime Princeps unus ante omnes hujus regionis tanta dignitate decoratus, nobili ex illa ratione jure meritoque primogenita Ecclesiæ filia appellata originem ducis, ita ego qui hæc Tibi deferre insignia unus illius sum terræ, quam Sanctorum insulam majores nostre appellarunt, cujus nepotes alterius nationis filiis admixti, populum hunc unius regiminis hodie constituerunt, qui cæteris exemplis esset exemplo.

Quam ob rem Supremus ille Pastor qui christianam rempublicam sapienter prudenterque moderatur, in hunc Te honoris evehens gradum tuam inprimis repen- dere indefessam voluit sollicitudinem ac charitatem pro animarum salute, hunc singulare in apostolicam Sedem obsequium, mirabilemque prudentiam in gubernando grege Tibi a Summo Pontifice commisso; et huic popu- lo testimonium tribuere quanta animi firmitudine ca- tholicæ fidei adhæreat, quam sincero in Ecclesiam amore ipse feratur quam luculenter pietatem et fidem suam erga Romanum Pontificem, difficilimis præsertim temporibus probaverit, uti Summus ipse Pontifex in Consistorio dignum qui laudatur putavit.

Et nunc, Eme Princeps, meum est apostolicas tradere Epistolas quibus in hac solemnitate Illmo ac Rmo Dno Archiepiscopo Torontino, facta est potestas Tibi novo Sanctæ Romanæ Ecclesiæ Cardinali purpuream impo- nendi Biretam tanquam meritum gloriæ et honoris præmium, populique hujus ornamentum et decus.

---